

悔

翁

筆

記

悔翁筆記三

江甯汪士鐸

爾雅釋詁說文云故言也釋文引樊光李巡本作釋故周南釋文亦云通作古故說文言部引詩曰詁訓漢藝文志作訓詩蒸民作古訓三者同也

毛詩古訓是式云古故也訓詁

傳舊作訓故故之言古也○釋言言者說文云直言曰張揖雜字云古今之異語也

言釋名言宣也宣彼此之意也詁之言古乃舉今以釋

古言之言衍乃取常行之字而以異義釋之也釋詁動

連十餘文而爲一義釋言多不過三三言而爲一義也

惟瀟於鹹苦也
三言連舉爲異

釋訓訓者關雎正義云訓道也道物之貌以告人也

凡

舉之字皆道物之貌以形容之然釋詁之咍咍皇皇藐藐穆穆美也關
關囀囀音聲和也當入釋訓

釋言云舫舟也釐屬也粳糧也舫汙也土田也里邑也
蓐紕也廩廩也餽餽也饋餽稔也養餼食也啜茹也袍
襦也鬻糜也翻蠹也蠹翳也緡綸也袞黻也皆當入釋
器釋言黻彰彰也亦當入釋器釋言之華皇也當入釋草昆後也當

入釋親釋訓之粵峯掣曳也以下當分入釋詁釋言如
不俟不來也之類朔北方也當入釋地饔酒食也絨羔
裘之縫也幬謂之帳凡曲者爲留皆當入釋器釋器律
謂之分當入釋樂木謂之虞旄謂之龍亦然釋畜篇末
題爲六畜而豕子豬一節錯入釋獸卽釋獸一篇之中

鼯鼠一節亦當附鼠屬麕大羊當入釋畜羊屬疑此類

皆後人附益之者也

釋詁舒業順敘也又云舒業順敘緒也既云粵于爰曰也又云爰粵

于也既云肆古故也又云肆故今也既云伊維也又云伊維侯也既云爽差也又云爽武也亦皆後人所增

釋四極則李巡本謂之四海下較諸本多八蠻在南方

三句

參蕭疏

釋山則附漢時五嶽之名於後邵氏釋野郊

外謂之牧牧外謂之野據野有死麕兼之于旄等傳叔于田箋說文曰部皆曰郊外謂之野無謂之牧牧外五字釋鳥兩言桑扈竊脂據說文獨斷昭十七左氏疏則冬扈竊黃下無桑扈句又釋地八陵之雁門釋獸之秦人謂之小驢皆漢人附益

如切如磋六句淇澳之詩也既微且蘊巧言之詩也張

仲孝友周宣之賢臣也美女爲媛釋邦之媛也美士爲
彥釋邦之彥兮也其虛其徐北風其涼也猗嗟名兮猗
嗟也式微式微式微也檀裼暴虎于田也籩簠戚施新
臺也夸毗殿屎板也婆娑東門之枌也徒御不驚宣王
也誰昔然矣墓門也我生不辰變小雅也皆後人所增
周公所不及知也

釋天之凱風谷風曰涼曰泰或古有是名非爲釋詩然
日出而風爲暴風而雨土爲霾陰而風爲曠則終風之
詩也是類是禡旣伯旣禱非文武之時周公不及知也
乃立冢土戎醜攸行周公之言矣振旅闐闐六月也非
周公之言也釋地幽營爲殷制矣鄭有圃田非周公所

知也雁門之地非周名也此叔孫通所益也

釋山之河南華五者與泰山爲東嶽復舉而小異猶曰一舉各州之鎮山一舉五岳而梁山晉望乃晉旣滅梁始有其地周公時非晉望也

釋水河水清且瀾漪魏風也濟有深涉深則厲淺則揭衛詩也沂洄沂遊秦詩也亦後人羈雜

釋訓瞿瞿休休俱見蟋蟀熾熾炎焱皆爲雲漢居居究究皆見羔裘晏晏旦旦氓詩也憲憲洩洩諄諄諄諄板詩也翕翕訛訛小閔也竊疑皆有後人附益者矣

左傳釋文連引餽餽也鬻糜也今二文中隔至六句之遠此後人誤分之也考說文餽云糜也周謂之餽宋謂

之餐

餐即健字說文驚訓健即此餽也○鐸按今淮以北以豆粉雜小米成粥曰餽猶江甯之稀麪餽也

此餽餽左僖二十八年昭七年正義並引孫炎云驚淖也之訓

糜也是四者同類而異名稠曰糜淖曰驚周曰餽宋曰

餽分而二處非也

合言之則餽餽驚皆訓糜分言之則為稠為淖為周為宋也

芻紩也衮黻也袍襍也亦當連於一處○疑當云黼黻

彰也衮黻也芻紩也袍襍也言黼黻以彰施衮黻芻皆

言紩也又疑衮黻也黻當為黼領也揚之水傳諸侯繡

黼故禮言繡黼丹朱中衣大夫之僭禮也此文宜云黼

黻彰也衮黼也芻紩也即附釋器黼領謂之襍下○餽

餽也衮黼也二物合為一者古人轉訓引申之義

釋詁脰即秩秩大猷之秩

康卽酌彼康爵之康

康訓靜訓安訓虛說文康水虛也

素卽江之永矣之永

說文及文選登樓賦注引韓詩

荀卽倬彼甫田之倬

玉篇引韓詩

擊卽赤舄几几之几

說文

簪卽有嘒其星之嘒

又卽策彗之彗昭十七年彗所以除舊布新也

邊矣西土之人

今作邀

茂哉茂哉

今作慙

天威

今作畏

棐忱

俛

今作稱

爾戈翌

今作翼

日乃瘳無惑

今作或

俛

今作壽

張爲幻

至於大壻

今作伾

此蓋李巡樊光等注郭用之也

釋器象謂之鵠角謂之鬻犀謂之割木謂之剡玉謂之

雕皆韻語也雕從周又與敦爲一聲之轉故能爲韻也

釋親之妻之姊妹同出爲姨女子謂姊妹之夫爲私韻

也男子謂姊妹之子爲出女子謂舅弟之子爲姪韻也
女子同出謂先生爲姒後生爲娣韻也釋宮闕與楔韻
落時與圮韻寧樹韻也闔閭韻也康莊驂韻也期遼韻
也此類甚多不能悉舉也雕謂之琢當在石謂之磨之
下不當厠邸蓐之間且邸謂之抵蓐謂之茲竿謂之施
簣謂之第四句爲韻不容厠雕謂之琢也

釋訓子子孫孫引無極也下流直力服急急流毒忒食
告則隱職鞫皆韻語也

漢志爾雅二十篇○今十九篇翟晴江以爲當有釋禮
篇今釋樂之祭名講武旌旗卽其殘缺之文孫志祖以
爲釋詁當分上下篇近人以關雎正義引爾雅敘篇爲

一篇

廣雅參謂之寶沈東井謂之鶉首張謂之鶉尾而爾雅皆不載蓋爾雅專釋詩故他經所略也如二十八舍之須女危方北胃觜觴參方西東井輿鬼七星張翼軫方南不載者十一十二次則寶沈鶉首鶉尾不載者九雖見禮記春秋內外傳亦略之也

公羊十二何注禮天子造舟諸侯維舟卿大夫方舟士特舟疏云釋水文也又班固白虎通三綱六紀篇引禮親屬記曰男子先生爲兄後生偁弟女子先生爲姊後生爲妹此釋親文也孟子趙注禮謂妻父曰外舅謂我舅者吾謂之甥此釋親文應劭風俗通聲音篇引大耋

謂之產其中謂之仲小者謂之筓以爲禮樂記今釋樂文宜或以爾雅當有釋禮一篇爲叔孫通所作而今亡之故止十九篇也

釋地廣平曰原說文春秋說題辭作高平曰原鄭箋公劉詩亦作廣平

釋地九夷八狄七戎六蠻謂之四海職方引作八蠻六戎五狄此本文異也而李巡所注四海下又有八蠻在南方六戎在西方五狄在北方今本亦無之

釋草黃菟瓜○注菟瓜似土瓜御覽九百九十五引孫炎云一名瓜列也此以下蒟醬之蒟上屬也

釋詁覲髣弗離也○孫叔然一字一讀郭兩字讀

釋水簡絜○僖四年左正義分爲二河集傳引曾氏爲一河

釋草熒委萎○邢疏上一字一句下二字一句或有上二字一句下一字一句

唐蒙女蘿女蘿兔絲○邢疏引孫炎云三名則唐蒙句也郭云別四名則唐與蒙各一句也

釋木癭木苻婁蕢藹○疏引某氏說以苻婁釋癭木則屬上句又樊氏同舍人以苻婁屬下句

水出其前消邱○釋名作陟邱

水出其後沮邱○釋名作阻邱

水出其右正邱○釋名作沚邱

金言二
邇迤沙邱○廣韻作剡崙

釋山銳而高嶠○史記黃帝葬橋山正義引此作橋山
小山岌大山岨○說文引作駁

小山別大山鮮○吳都長笛二賦注引作大山嶰

夷上洒下不濇○注不發聲正義引孫炎不衍字然釋
魚左倪不類右倪不若郭注是也

犀謂之割○釋文作斲

木謂之劇○玉篇引作楸

春獵爲蒐夏獵爲苗秋獵爲獮冬獵爲狩○隱五年傳
同公羊桓四年傳春田曰苗秋曰蒐冬曰狩穀梁傳云
春曰田夏曰苗秋曰蒐冬曰狩諸文皆異

畢堂牆○注今終南山道名畢其若堂之牆鄭箋畢終南山之道名邊如堂之牆然

重厓岸○注兩厓累者爲岸洪頤煊云說文厖岸上見也岸上見卽是重厓

窮瀆汜○注水無所通者說文汜窮瀆

山脊岡○說文岡山脊也釋名曰山脊曰岡

山絕陁○注連山中斷絕說文陁山絕坎也

山上有水埒○釋名同

夏有水冬無水漿○廣雅水自渭出曰漿與此異

山嶺無所通谿○說文同

犝牛○注今無角牛後漢書西南夷傳○有旄牛無角

一名童牛

秋獵爲獮○注順殺氣也

釋山未及上翠微○注近上旁彼初學記引舊注云山氣青縹色曰翠微按蜀都賦注翠微山氣之輕縹也似舊注爲備矣

山西曰夕陽山東曰朝陽○杵氏疏引舊注云山南曰陽山北曰陰

江有沱二句○注此故上水別出耳所作者重見詩汝墳正義引李巡曰江河汝旁有肥美之地名按蜀郫江夏沃壤甚多衡雍見於左氏汝墳見於詩李說是也
天子造舟○注比船爲橋公羊宣十二年疏引舊說以

舟爲橋詣其上而行過按此舊注與郭同也

魚謂之鮓○注鮓屬書鈔一百四十六引舊注云蜀人取魚以爲鮓說文鮓魚脂醬也出蜀中此魚醬也

錯革鳥曰旃○注合剝鳥皮毛置之竿首詩六月正義引孫炎云畫急疾之鳥於綦也鄭志荅張逸同孫說
巒山墮○注山形長狹說文巒山小而銳

多草木岵無草木岵○陟岵傳無草木曰岵有草木曰岵與此相反○案說文岵山有草木也岵山無草木也
釋名同當從爾雅

石戴土謂之崔嵬土戴石爲砢○卷耳傳崔嵬土山之戴石者石山戴土曰砢與此異○按爾雅誤也說文岵

石戴上也釋名石戴土曰岨土戴石曰崔嵬小雅漸漸之石傳漸漸山石高峻箋云卒者崔嵬也故王引之焦循江聲賦膚堂皆從毛詩而駁爾雅與戴東原

歸異出同流肥○泉水毛傳及釋名同水經淇水引舍人曰水異出流行合同曰肥與此異○水經河水引呂忱曰爾雅異出同流爲漢水釋文亦云漢水本同而出異與呂引合

漢爲潛○沱潛旣道正義引郭云有水從漢中沔陽南流至梓潼漢壽人大穴中通岡山下西南潛出一名沔水舊俗云卽禹貢潛也水經潛水引鄭云漢別爲潛其穴本小水積成澤流與漢合

夏獵爲苗○注爲苗稼除害左隱五年正義引鄭說言擇取不孕任耳若治苗取不秀實者

坳謂之坳○按明堂位反坳出尊反爵之坳又云崇坳康圭亢圭之坳皆在廟中兩楹之間旣夕設楸於東堂下南順齊於坳士冠禮執以待於西坳南皆在堂之東西隅內則說閣之制云士於坳一度食之坳堂在室之東北隅爾雅之坳實兼諸義而郭注但云在堂隅是不知彼三坳矣

在地者謂之臬○注卽門廩胡竹邨師曰臬與匠人之槩同以識日景者也爾雅廩謂之闌方是門廩郭以此爲門廩未讀考工注矣

容謂之防○注唱射者所以自防隱按射人注云容者
乏也鄉射注云容謂之乏不謂之防荀子正論篇張容
注引此文則非射者所用

大版謂之業○注築牆版也說文業大版也所以飭懸
鐘鼓捷業如鋸齒釋名曰筍上之板曰業詩巨業維樅
婦人之褱謂之縞○注今之香纓按詩不盈一襜襜卽
褱褱卽蔽膝詩東山正義引孫炎云褱悅巾也

開謂之楨○御覽一百八十八作筭謂之疾

閉謂之門○郊特牲索祭祝於枋正義以爲廟門曰枋
釋宮文禮器疏亦引作廟門謂之枋郊特牲枋之於東
方疏又引門謂之枋脫一廟字

室有東西廂曰廟○賈謐贈陸機詩注引廟作廊誤也
陝而修曲曰樓○類聚六十三引陝作俠誤也

室中謂之時○玉篇引作跼

廚謂之𩚑○注古鋏錘字文選祭古冢文注引作鋏謂
之錘

繩之謂之縮之○詩綿正義引作繩謂之縮

餒謂之餘○說文引餘作喙

春爲蒼天夏爲昊天○黍離正義引尚書歐陽說春曰
昊天夏曰蒼天堯典正義引鄭讀爾雅說文廣雅亦同
釋草茵芝○類聚九十八引作菌芝

駉牝○釋文孫改牝爲牡夏官庾人注引爾雅同孫

九達謂之達○注四道交出復有旁通說文馘九達道也釋名齊魯謂道多爲達此正解也乃左隱十一年正義引李巡注取並軌之義不知並軌雖有攷工經涂九軌之說然彼自言其廣非言九達也文選注引韓詩章句亦言中達爲九交之道可知

康瓠謂之瓢○注瓠壺也史記索隱引李巡云康謂大瓠也文選弔屈原文注引李巡云大瓠瓢也然郭義爲長

薺赤苗○注今之赤梁粟齊民要術二引舍太曰是伯夷叔齊所食首陽草也誤矣

疾雷爲霆霓○文選東都賦注書鈔一百五十二御覽

十三類聚二初學一引並無霓字

夏曰復胙○絲衣箋及公羊注引並無此句徐彥疏云諸家悉無此言

閭謂之臺○月令及禮器注引閭下有者字

鷺白鷺○今本作楊鳥二字者誤

巾車賈疏云正幅爲繆爾雅文又覲禮疏爾雅云正幅爲繆據此今脫此四字矣

文選西京賦薛綜注引爾雅熊虎爲旗今脫此句
襍襍襍說文引今無

釋木守宮槐○注炕布也初學引其下有云江東有樹
與此相反俗因名爲合昏旣晝夜各一其理等耳

釋言饋餽也○詩疏引郭注云今呼餐者修飯爲饋
饋均熟爲餽按者修當作音修乃旁注文誤入郭注正
文者也

糜桑山桑○書正義引郭注有柘屬也三字今脫去
一切經音義四引爾雅注隰溼塾也今釋地無此注
帝範審官篇注引舊注云桷楊也一曰屋角斜枋一曰
栢也今無

四達謂之衢○注交道四出中山經注言樹枝交錯相
重五出有象衢路也

玉十謂之區○雙玉曰穀五穀曰區西山經注雙玉爲
穀半穀曰隻

錫謂之釧○注白鑑中山經謹山多白錫注今白鑑也
釋草榮而不實者謂之英○西山經注引此文英爲菁
佩衿謂之褱○注佩玉之帶上屬方言佩紵謂之褱所
以系玉佩帶也

簪銘也○注涼州銘方言注同

祭風曰磔○注今俗當大道中磔狗云以止風大宗伯
注鄭眾云罷辜披磔牲以祭若今時磔狗以止風
既伯既禱○注伯祭馬祖也詩吉日傳伯馬祖也

禘大祭也○注五年一大祭公羊文二年傳五年而再
殷祭何注五年禘也

釋木灌木叢木○注集於灌木皇矣正義引李巡云木

叢生曰灌木

釋言啟跪也○注小趾左襄八年正義李巡注同

釋獸魑如小熊竊毛而黃○注狀如熊而小毛麇淺赤黃色說文魑如小熊赤毛而黃

釋木時英梅○今注雀梅齊民要術引郭此注云英梅未聞則雀梅非郭語

釋草臺夫須○注鄭箋詩曰臺可以爲禦雨笠

莠虺虺○注引謝氏曰小草多華少葉葉又翹起按此陳國子祭酒謝嶠也按此謝氏曰乃邢疏後來校書者依邢疏攙入注文耳

葦亭厯○注引廣雅云一名狗薺按廣雅狗薺大室亭

厯也

蘄蒞麋蕪○注淮南子云似蛇床山海經云臭如麋蕪
藹侯莎其實媿○注引夏小正

廣臬實○注引喪服爲禮記

卷施草○注引離騷

狗四尺爲獒○注引孔氏書傳段君以孔氏傳下十五
字後人所增

牛七尺爲犇○注引尸子

釋地兩河閒曰冀州注自東河至西河按郭大荒者經
注冀州中土也與此異河南曰豫州注白南河至漢公
羊莊十年疏引郭注云自東河至西河之南與今本異

江南曰揚州注自江南至海公羊疏引作自江至南海亦微異

郭注不詳者百四十事○大約訓詁異詞後人皆能詳之雖未必盡合然十得八九矣惟鳥獸草木則郭所未詳者後人亦不能詳以訓詁可通以六書鳥獸草木不能臆說也然亦補其十之七八其不可補者如釋草之經履薜廩草垂比葉困穉稊姚莖涂薺攀柜胸釋木之髡栲釋蟲之不蛎王蛟密肌繼英釋鳥有密肌繫英與此同名釋魚之螭蛇釋鳥之鷓鴣軟鷓劉疾釋獸之螟牛此則真不可知者後人亦所未詳矣凡未詳者十三○釋虫傳負版郭注未詳柳宗元作蟪版

傳者是也

犍爲郡文學卒史臣舍人漢武帝時待詔○羽獵賦注
引作郭舍人東方朔傳有郭舍人西京雜記郭威字文
偉茂陵人嘗疑張仲宣王時人不似周公所作舍人疑
卽此人然亦非犍爲也○錢竹汀云廣韻有舍姓蓋姓
舍名人也

又有劉歆樊光李巡孫炎皆爲注俗閒別有一孫炎爲
疏十卷所謂孫炎非作注之孫叔然也高璉皆淺近俗儒也有邢

昺疏

禧告也說文作吉也薊大也說文作薊大也

所以止扉謂之闕○說文作闕

紅龍古其大者薊○說文薊薊實也

王念孫曰蟲鳥同名者密肌繫英翰天雞是也蟲木同名諸慮山梟諸慮奚相是也蟲草同名莪蘿蛾羅虬虬虬是也又果羸果羸蘆施蠶蟹是也○廣雅蘆服卽爾雅之葵蘆肥又作雹笑一作菰還卽羅匐萊蕪青豐堯卽須葑從

說文雉十四種爾雅雉十三種

鷩雉○青質五彩說文作盧諸雉與此異

鷮雉○長尾走且鳴說文云走鳴長尾雉也

鷩雉○黃色鳴自呼說文同其名自呼亦猶鷮之自呼也

鷮雉○似山雉而小冠背毛黃腹下赤項綠色鮮明

說文云赤雉也中山經西山經赤鷩注皆以爲鷩雉是也

秩秩海雉○如雉而黑在海中山上說文同卽夏小正元雉入於淮爲蜃者樊光以蜃是丹雉所爲非也

鶴山雉○長尾者說文同樊光云其羽可持而舞亦作狄字

韃雉鷩雉○今白鷩也江東呼白韃亦名白雉說文分爲二故有十四種郭合爲一故十三種也按北山經注白鷩卽白鷩西山經注白翰卽白韃亦名鷩雉

雉絕有力奮○最健鬥說文同按雉絕有力奮同

伊洛而南素質五采皆備成章曰翬○翬亦雉屬言其

毛色光鮮說文同賈逵曰設色之工

江淮而南青質五采皆備成章曰鷩○卽鷩雉也說文作搖借作掄義同

南方曰鷩○白帖作鷩昭十七年注作翟賈逵曰攻金之工也按集韻引字林鷩南方雉名鷩冠子南方萬物華羽焉

東方曰鷮○說文作留白帖云東方曰雛賈逵曰搏埴之工

北方曰鷮○說文作稀白帖作鷮賈逵曰攻皮之工西方曰鷮○說文作蹲白帖同賈逵曰攻木之工

悔翁筆記三終

後學

上元朱桂模江浦侯宗海

校字

悔翁筆記四

江甯汪士鐸

古人有音無韻四聲起江左古只三音並無四聲何況陸氏之二百六韻與且聲有流變今文尙書三代之言已異於春秋何況後世天地之大以淮爲界淮北古中原其音與詩書易三傳先秦諸子近淮南古吳越楚及羣舒諸小國其音與楚詞及詞賦近集廣均之八人已雜收南北不知南北不止音別凡一切飲食起居無不較若天壤聲音特其一端而諸家言韻混而一之殊可笑也然則言韻則分南北二枝又分上古之音周音先秦西漢之音東漢魏晉之音然後下接六朝陸韻以偏

旁分析不必言陸氏部分以疎不以密且字有兩讀者
方音使然惟不常用之字無方音其餘一切日用起居
之字皆有土音亦所宜知

民生不常用之字學士大夫以入文章故千古一音五
方無殊若民生日用則婦孺各隨方音言之若射者民
生日用之字也古射音近序孟子序者射也廣雅釋言
序射也古入御韵鄭風叔善射忌與御韵好爾無射及
中庸無射無譽韵大戴禮投壺篇射與處所譽韵是也
或讀若釋射義射之爲言釋也北人無入聲從宰之音
皆近斲書彝倫攸斲說文引作殛其云釋也者泮水釋
文無釋一作射又作斲釋魚鼃仰者謝釋文一作射卽

周官地龜繹屬其從射之字與從畢同者釋獸麋父李本作澤父是也序與豫通鄉射記注今文豫爲序王制注西序小學疏云序則豫也義注序或爲豫爾雅釋詁豫射皆訓厭儀禮注云序無室蓋庠爲鄉學有堂有室序爲州學無室所謂下於鄉庠也此皆入御遇由序通謝鄭君儀禮注所謂序續如成周宣謝火之謝今本或作榭乃新附字也宜作謝楚椒舉曰榭不過講軍實是也詩于邑于謝潛夫論志姓氏篇作序遂由序入禡韻周禮射于州序三名豫一名榭鄉射注王制疏可證射義射之可言繹也或曰舍也公羊序疏序者敘也說文序從予聲敘從余聲曲禮予一人鄭注予余古今字

是二字同試徵諸從余從舍之字左傳歸餘于終史記作歸邪詩其虛其邪釋訓作徐徐餘皆從余聲而升九九釋文射荀作耶卽邪字也是射徐徐通也史記律書以舍爲舒氣淮南子律受無射史記以爲無餘旣入于謝楚辭注引作徐更錯綜證之常武釋文序本作徐射義序點鄭注或爲徐點又如漢書敘傳引左傳釋卽謂虎於菟之菟斃卽在此無射之射見中庸釋卽周禮鄭注飾中舍算之舍澤卽管子引詩舍命不渝之舍又舍卽韓詩楊水屯戍之戍又卽公羊齊孺子荼之荼從舍聲者郤卽徐人取舒之郤又如洪範曰豫伏生五行傳作荼孔疏云鄭王本作舒哀六年左氏傳齊陳乞弑其

君茶公羊作舍

射又通夜狐射姑穀梁作夜姑漢書作射應劭音夜說文夜舍也夜從亦聲曹伯射姑穀梁作亦姑亦卽腋釋名腋釋也閔元年穀梁釋文洛音路姑之路春秋說題辭洛之爲言釋也又可證射音古如序由序入謝而序轉入釋夜謝轉入舍淮南釋六律以無射爲無厭

載謨食詐譌也按載謨訓作爲之爲食詐訓詐僞之僞釋木味莖著注釋草味莖藉已有此名疑誤重出按郭說不然非重出也同名爾

按白楊卽楊葉夫移樹高數丈葉如柳江甯人曰響葉桐葉因風則響也可磨銅錫

說文从農𠂔聲徐鍇曰當从𠂔乃得聲下籀文古文皆从𠂔按𠂔部息進切又卜部卜引而上行讀若𠂔引而下行讀若退段氏曰𠂔乃𠂔聲之訛按水部涵从𠂔聲蘇計切思部思从𠂔聲息茲切段刪聲字非也糸部納从𠂔聲蘇計切人部伯从𠂔聲斯民切廣韻十二霽媿隄漚創皆當从𠂔聲音匹詣切釋名𠂔峻也所生高峻也史記著雍謂之祝𠂔爾雅釋詁註彌離蒙籠也洪範思曰睿今文作思曰容尙書大傳曰思心之不容高誘注戰國策引五行傳同春秋繁露五行五事篇云思曰容說苑載尹之文言曰容作聖漢書五行志曰思心曰容是容睿二字通也然則農从𠂔聲小徐言當从𠂔段

氏言从囟皆非也囟有二音按本書囟與退音近洪範思曰睿大傳及繁露皆作容推此例則自得自農聲矣喪服小記斬衰之葛與齊衰之麻同齊衰之葛與大功之麻同麻同則兼服之男子重首經無變而有除若帶則可易麻以葛女子重要帶故經可易而帶不易山陰陸氏曰謂若斬衰卒哭男子變要帶以葛若又遭齊衰之喪則以齊衰之麻易葛帶其首經猶是斬衰之麻女子更首經以葛今以齊衰之麻易葛經其要經猶是斬衰之麻是曰兼服何也以其麻同也鄭謂服麻又服葛誤矣

孔疏曰男重首經女重要帶重者有除無變故卒哭不

受以輕服至小祥各除其重若先遭重喪後遭新喪則變先之輕者男變要帶女變首絰如斬服卒服之變男要女首而以葛也以其精粗大小同耳如齊衰之麻又遭齊衰則復齊衰要首皆麻爾重於所變之葛服宜從重而男不變首女不變要以其所重故也但以麻易男要女絰是也○輕包重特包者也前葛也特者特前麻也期以下之麻雖重亦變復遭後喪亦不以後服之麻變後服之葛故曰麻葛兼服之服重者則易輕者重者服之其前葛也輕者易之其後麻也然不如爲襄明之襄六格曰男首絰男要絰女首絰女要絰要絰卽帶也遭齊衰期遭大功以下直分三格曰未葬旣葬練而取

小記明傳按格習之其義自明

穆天子傳南山有𦵔鐸按𦵔卽說文之𦵔卽筆字

𦵔北人音琴從林熒省聲也熒北人音行故也泉屬其皮北人以爲繩其稽以作壁其根或寸斷之中有蟲北人帶以南歸飼鳥或有貨於市者其稽似木拇指大堅如小木白色北人多種之云字又作𦵔掌葛注又作𦵔雜記又作𦵔詩子之丰兮景士昏禮大葉如葵黃花赤實七月熟皮綠色剝而漚之池則白

文十四年公羊傳接菑四𦵔且六孔吳軒洪頤煊辨手指之形按下文云𦵔且也長則無論其手指之形如何而六終非長也疑六爲大之訛

爾雅釋器斫謂之鐻

說文作鐻

郭注鐻也廣雅櫟謂之鐻說

文鐻大鉏也廣韻引方言云關東名曰鹵斫淮南子兵

略訓奮儋鐻高注云鐻斫也六韜軍用篇云檠鐻刃廣

六寸柄長五尺以上疑卽瞿也或傳寫脫去又字作瞿

當作瞿乃鐻之省也

齊策蘇子說齊閔王曰攻城之費百姓理檐蔽舉衝櫓

禮緇衣苟有衣必見其敝敝卽蔽蔽卽茀也翟茀以朝

巾車注引作翟蔽以朝方言蔽膝江淮之間謂之褱或

謂之褱魏宋南楚之間謂之大巾自關東西謂之蔽膝

齊魯之郊謂之裋

裋卽褱爾雅衣蔽前謂之褱釋文褱方言作裋

褱蔽蔽邾也

東方朔傳

廣雅大巾褱裋褱褱邾也

其祁孔有鄭箋祁當作麋牝麋也麋卽麋麋猶牝鹿曰
麋麋之牡曰麋麋也小鹿善驚

釋鳥鵯鵯比翼釋地云南方有比翼鳥焉不比不飛其
名謂之鵯鵯注似鳬青赤色一目一翼相得乃飛郭注
次西山經及海外南經與此正同

說文人部朶云古文保保云从人从朶省聲朶古文孚
又云保古文保不省其爪部朶云古文孚从朶朶古文
保字小徐本云朶古文孚从古文保保亦聲桂未谷云
本書保从朶古文朶當云朶古文孚故古文保云不省
又案手部桴从孚不从朶子部朶云古文孟字又人部
倅从人孚聲水部浮从水孚聲火部煇从火孚聲皆無

古文木部桴亦無古文故無作从采者食部飽古文作
饌注云古文飽从采聲漢簡爪部采音孚食部饌音飽
注云出說文與今異人部傖音保予部采云保亦孟字
也

吳廷華以溢當爲掭較鄭注爲善不然如鄭注則一溢
爲二升矣鄭注二十兩曰溢一升又二十四分升之一
者鄭按律歷志百二十斤曰秬以斤法十六兩乘之得
一千九百二十兩是一斛百升之重也準此則一升凡
重十九兩二錢以此減二十兩餘八錢乃命分宜曰一
百九十二分升之八最爲簡要而古法委重乃以八除
一九二分得二四卽名曰二十四分升之一也○按說

文銖重百黍與班志五權龠重十二銖容千二百黍合亦與五量千二百黍爲龠合說文二十四銖爲兩與五權兩之爲兩五量合龠爲合合惟五權十六兩爲斤三十斤爲鈞四鈞爲石與五量十合爲升十升爲斗十斗爲斛不合鄭注比而同之與黍數不合矣按鄭以秬爲斛故以爲此數然五權五量本不相同徵之黍數秬四百二十八萬黍斛二百四十萬黍相去懸絕如溢爲二十兩據五權則爲一斤四兩五量則爲二升若以秬爲斛則爲一升又二十四分升之一然非所安也意鄭注升當爲斤字之訛二十字涉上而衍原文因云一斤又四分斤之一與然鄭注旣云有誤卽不實徵之算數又

相符矣按此皆太泥其實只言一溢米如俗言一把米最善

月令之仲夏毋燒灰呂作毋燒炭季秋伐薪爲炭可證灰必炭之訛

史記通鑑皆言始皇二十六年初并天下用廷尉斯李

言定天下爲三十六郡裴駰曰三川漢改曰河南河東南陽

南九江會稽潁川碭漢曰泗水薛魯漢曰東齊瑯琊

上谷漁陽右北平遼東遼西代巨鹿邯鄲漢曰趙國上黨太

原雲中九原漢曰雁門上隴西北地漢中巴蜀長沙以上

秦置此無異議者也內史此郡班志亦云秦置然志云

十六郡則三十六郡中黔中班志不見按史記秦本紀

無內史也裴誤列之昭襄王二十七年攻楚黔

中拔之三十年蜀守若伐楚取巫郡及江南為黔中郡
是秦有黔中郡也且在始皇二十六年以前明甚。楚
世家亦云秦立黔中郡。後漢書郡國志鄧州志史記
注秦昭王置黔中郡高祖五年更名武陵章皆無考班
志丹陽郡注云故鄣而不言秦裴氏取以足此三十六
郡之數然泗水郡亦注云故東海郡亦不言秦何以裴
氏舍東海而據此則裴氏所得者三十四郡而內史鄣
獨取鄣也
郡不與焉後世洪稚存以內史鄣黔中為三十六郡中黔
班志未言尚可据洪氏曉讀書齋雜錄又不數內史而
以南海桂林象黔中鄣加之又成二十九郡矣繆極
然內史不足數而鄣僅見東海郡注東海郡下應劭曰
秦鄣郡元和志等書皆云秦始皇走鄣郡是秦有鄣郡
矣然立之年月不詳不知在二十六年前否難取以足
三十六郡之數也則仍三十四郡而內史及鄣未確也金榜數
黔中不數內史矣而亦以鄣及鄣足其數亦非也錢竹
汀不數內史而以南海象桂林足之然此特班志所列

之秦郡

志言郡國一百三十八而以高帝二十六年秦舊郡三十六

六為一百非始皇二十六年所分之三十六郡也

南越之數地置桂林南海象郡在三十三年是在分三

此也志於南海郡注秦置而鬱林郡注是錢氏亦非也

按史漢言秦郡者言故者今列於下除內史黔中陳勝

傳陳守令陳有守東海陳勝傳固東海守也則秦有東

是秦有陳郡也東海後傳固東海故云守也則秦有東

海郡閩中此史記東越列傳言秦立閩中郡而不言年月

也郡閩中此史記東越列傳言秦立閩中郡而不言年月

三郡同時決非泗川郡以上皆言秦者秦郡也言故

初定天下時也泗川郡以上皆言秦者秦郡也言故

者高紀六年以故東陽郡鄣郡吳郡五十三縣立又以

碭郡漢為薛郡鄒郡三十六縣立弟文信君交為楚王

十六又以膠東楚封田膠西臨淄濟北楚封田博陽城

陽郡七十三縣立又如廬江為故淮南濟南菑川膠東

高密城陽五郡國曰故齊此言漢初為齊王地也山陽濟陰東平

三郡國曰故梁言漢初為梁王地也六安曰故楚漢初為楚地也河閒曰

故趙皆言漢初為某國地後國除今為某郡也此言故

也者按言故者不計外言秦者陳泗川皆言守而未明言

郡且亦未見何年月所立東海即前之郟先為郟後改名為東海閩

中疑與南海等三郡同時開置合二十六郡為四十郡者必數此四郡所

宜列者除確鑿之三十三郡外如黔中為必數者是為

三十四內史郟郅三郡既內史不在數金氏說其近之

與如洪氏說何以不數郟及閩中也裴氏說又遺郟及閩中矣

通鑑武帝元封二年漢滅兩越平西南夷置初郡十七

注臣瓚曰元鼎六年定南越地以爲南海鬱林蒼梧合浦九真日南交趾珠厓儋耳郡定西南夷以爲武都牂牁越雋沈黎汶山郡又地理志西南夷傳所置犍爲零陵益州郡凡十七而漢地理志無珠厓儋耳沈黎汶山四郡者昭帝始元五年罷儋耳真番元鳳五年罷象郡分屬鬱林牂牁元帝初元三年罷珠厓天漢四年罷沈黎黃龍三年省汶山郡入蜀故十七郡省其四焉○又元朔元年置蒼梧郡三年旋罷此與象郡臨屯真番皆非初郡十七之數○武帝元封三年定朝鮮以爲樂浪臨屯元菟真番四郡今班志無臨屯真番

河水云過郡十六行九千四百里按黎陽以上過金城

河南入水武威安定北地朔方五原雲中定襄雁門西河上郡河東馮翊河內十六郡以下過魏郡廣平鉅鹿信都勃海又爲逆河則又過右北平遼東共二十三郡而云十六不可解也

江水云過郡七行二千六百六十里按江過蜀郡犍爲巴郡南郡長沙江夏豫章廬江丹陽會稽廣陵凡十郡一國據水經江水注引袁山松之言千寶晉記紀陟之對自蜀至宜昌已五千七百里易祓曰江自松州交川縣至夷陵四千三百三十里自夷陵至泰州三千六百三十里共至海八千三百餘里則漢志誤也鐸又按古以江至江夏合漢爲止以下江沔互受通稱考水經可

見故漢志云過郡七不數廬江以下也

司馬溫公曰史記將相表高后八年七月辛巳食其爲太傅九月丙戌復封丞相後九月免漢書百官表七月辛巳左丞相食其爲太傅九月丙戌復爲丞相後九月免以長麻推之八年七月無辛巳九月無丙戌閏月羣臣謁代邸無食其名知二表皆誤鐸按今本表七月辛巳在七年格上九月在八年格上知以一格不能容而誤于七年格內也然文帝紀書閏月巳酉又書元年冬十月辛亥則辛亥乃朔也十月辛亥與閏月巳酉相距二日則閏月大者辛巳朔小者壬午朔則丙戌乃六七日故前月無丙戌也元狩四年衛青爲大司馬云云宋

祁云據功臣表合在五年

前志郡國百三後志郡國百五前志縣邑千三百十四
後志縣邑千一百八十是增郡二省縣百三十四也然
前志猶有道三十二侯國二百四十一合縣邑共千五
百八十七後志僅千一百八十則共少前志四百七也
其省并之可見者前志天水有街泉略陽道二縣而後
志無街泉漢陽郡略陽注云有街泉亭前志汝南定陵
縣注高陵山汝水出東南至上蔡入淮潁川有定陵注
云有東不羹後漢無汝南之定陵有潁川之定陵注云
有奈不羹劉昭補注云有高陵山汝水所出是并汝南
之定陵入潁川之定陵也前志汝南寢注孫叔敖子所

邑之寢邱是也世祖更名固始而淮陽國復有固始注云本名寢邱楚令尹孫叔敖所封地後漢并爲一縣故汝南固始注云侯國故寢也光武中興更有寢邱劉昭注云楚莊王封孫叔敖子前志南郡有郢縣注楚別邑故郢後漢省入江陵故劉昭注云江陵東南有郢城前志左馮翊有櫟陽注云秦獻公自雍徙後志無櫟陽而萬年補注云秦獻公都櫟陽是櫟陽并於萬年也前志右扶風有釐縣注周后稷所封後志并入郿縣故郿注云有郿亭前志潁川有密高縣注武帝置以奉太寶山後志并入陽城故其注云有嵩高山劉氏注云山海經謂爲太寶之山前志泰山蒙陰注潁與國在蒙山下

後志并蒙陰入南武陽故注云有顓臾城桂陽有陽山應劭曰今陰山也師古曰下自有陰山應說非也按後志無陽山并入陰山故應氏云然應氏後漢人故云今陰山顏氏之駁非是前志安定郡有陰密後志無之而陰槃縣劉氏注云舊有陰密并於陰槃也此其大略也餘可細攷之

其後漢增立之縣見於自注者如永甯以章安縣東甌鄉爲縣建昌分海昏置是也見於劉昭補注者如平都注和帝分枳置宣漢云和帝分宕渠之東置漢昌云分宕渠之北置是也其未注而可考而知之者如襄信云有賴亭故趾考前志隨縣注故厲國也師古曰厲讀賴

是襄信分隨置也已吾補注兩引杜注皆在襄邑之南
疑已吾分襄邑置也穀城注春秋時小穀劉氏補注有
項羽冢前志臨邑莽曰穀城亭項羽冢在前漢東阿界
則穀城分臨邑東阿置也

碑帖有可以補史之缺者如唐志所載府兵之目張希

古墓志云左衛尚德府今無金石萃編九十一卷云屬馬邑郡志也寂照和

尚碑云京兆灌鍾府今無張少悌書幢金石萃編六十五平陽郡

冀城府州晉鳳州刺史石幢卷六十六朔州尚德府今無姚懿碑

高陽府州晉臧懷恪碑崇仁府今無李龕銘輟轅府今志作軒轅誤

李輔光誌涿州仁賢府今志無涿州有仁賢府此志之訛也張說誌盧龍

府平田琬德政碑合黎府今無郭敬之家廟碑雍北府鳳翔

金如府

府河南

絳州萬泉府

絳州

河南府城皋府

府河南

同州

興德府

同州

汝州魯陽府

汝州

又華岳題名義陽府

無今

李文

安石浮圖銘易州新安府

易州

乙速孤行儼碑普濟府

無今

興國府

無今

孤神慶碑長春府

同州

岐陽府

鳳翔

甘泉府

河中

許洛仁碑大

乙速

明府

無今

原城府

河南

田義起石浮圖頌易州石亭府

易州

雍州興國府

逸今

王忠嗣貶東陽府

夔州

○金石萃編一

此

府兵之名也

王履清碑云葬于高陵之奉正原

長安

定公碑三原縣

萬壽鄉

志長安

爾朱達墓志澄城縣武安鄉

志長安

碑三原縣

長功鄉

志長安

吳承泌墓志萬年縣

涇川鄉

北

碑

志

長安

碑

志

長安

碑

志

長安

碑

志

長安

碑

志

碑三原縣

長功鄉

志長安

吳承泌墓志萬年縣

涇川鄉

北

碑

志

長安

碑

志

長安

碑

志

長安

碑

志

長安

碑

志

碑三原縣

長功鄉

志長安

吳承泌墓志萬年縣

涇川鄉

北

碑

志

長安

碑

志

長安

碑

志

長安

碑

志

長安

碑

志

碑三原縣

長功鄉

志長安

吳承泌墓志萬年縣

涇川鄉

北

碑

志

長安

碑

志

長安

碑

志

長安

碑

志

長安

碑

志

碑三原縣

長功鄉

志長安

吳承泌墓志萬年縣

涇川鄉

北

碑

志

長安

碑

志

長安

碑

志

長安

碑

志

長安

碑

志

姚村隋蜀王美人董氏碑汴州恤宜縣馮宿碑冀州長
樂縣號國公楊公墓銘亳州臨渙縣時皆無此諸縣

悔翁筆記四終

後學上元秦際唐
受業江甯廿元煥校字

悔翁筆記五

江甯汪士鐸

秦淮今由東關淮清利涉文德武定南門新橋上浮下浮諸橋以出西水關者也

青溪今滿城東北角半山寺畔發源歷西華門大陽溝壽星常府欄干門樓錢廠娃娃昇平銀定諸橋以入秦淮者也

運漚今分淮水於斗門銀倉乾道羊市虹橋馬家通賢老虎諸橋北逕雞籠山東以達吳時宮苑者也

潮溝今太平門內一帶溝流逕府學北極閣北門橋糖坊老米樣米漢西門石橋候駕易駕望仙諸橋以達乾

道北橋通運瀆其運瀆東出一支由乾道北橋厯笄橋
鴿子內橋東出以會青溪者乃其支流也運瀆潮溝今
俱湮其秦淮入東水關向北厯大中復成西華石板通
賢北門以達乾河沿而止者秦淮支津也其由淮清橋
向北分淮水由四象內橋鴿子笄橋乾道倉巷望仙諸
橋迤西而止者古潮溝故道今亦秦淮支流也其自下
浮橋分淮水向北由斗門銀倉乾道諸橋入秦淮支流
者古運瀆之跡今亦秦淮支流也

鐸按陰溝水注云過水又東北屈至賴鄉西谷水注之
谷水首受渙於襄邑縣東東逕承筐城東云云是谷水
首受渙而不詳渙之所出亦不詳其所入也淮水篇云

淮水又東逕夏邱縣南又東渙水西入九里

疑地名

注之

渙又東南流此上有脫文敘渙水所出始可云又東南也其下云渙水又東南流逕雍邱縣故城南又東逕承筐城又東逕襄邑縣故城南陳留風俗傳曰縣南有渙水故傳曰睢渙之間出文章云云是渙水出雍邱西也下又云渙水又東南逕已吾縣故城南又東逕鄆城北鄆城北新城南又左合明溝又逕亳城北穀熟城南陽亭北沛郡之建平縣故城南鄴縣南費亭南鉅縣南又東苞水注之又東南逕蘄縣南又東逕谷陽縣右會八丈故瀆又東逕谷陽戍南谷陽城東北右會解水卽谷水也又東南逕白石戍南埵城南浹水注之浹水又東

南入於淮以下遂不言渙水是無渙水所入也然則注於朐城南當云渙水注於淩水不當云淩水注之也其睢水注云明水絕睢注渙卽所謂左合明溝也然則注於渙水原委皆未敘明也此疑有脫文矣○又水經注淮水篇沙水入淮在過誤也按水經過水之後敘沙水注淮云經所謂葭蕩渠也已誤又云渠出荆山之左當塗之右奔流二山之間而揚濤北注之此渠自在淮南濠水之界別一沙水不知何以又蒙以葭蕩渠之名也誤而又誤矣

滹沱水經當有此篇惜佚不傳此外言地者莫若漢志按班志言滹沱者八條源委了然今用大字書之而以

今縣名分注於下

代郡鹵城

今繁峙縣

注云滹沱河東至參合

青縣

入滹沱別

下

樂成弓高成平之滹沱別河也

過郡九

代雁門太原常山中山

行一千

三百四十里

別河東至文安入海過郡六

清河信都河開

行三百七

十里

今滹沱出繁峙東泰戲山歷代州崞縣東忻州北定襄北孟縣北五臺南平定州北入平山界

靈壽

縣

注云衛水出東北東入滹沱

今自平山北阜平南靈壽北

南行唐

唐今行

注云滋水東至新市

新樂

入滹沱

今行唐南

定北北定州南無極南城晉

州北深澤東鹿南冀州北

信都

今冀州

注云滹沱在北

以上今古不同

樂成

今獻縣東南

注云滹沱別河

即上滹沱別河也

首受滹沱東至

東光今縣入滹沱洪雅存云古滹沱自冀北深澤東深州

間南獻縣然則自冀州北而衡水北肅甯南饒陽北至河

饒陽南獻縣然則自冀州北而衡水北肅甯南饒陽北至河

安大城青縣南阜城交河北而衡水北肅甯南饒陽北至河

正流如洪氏之言至河間獻縣之東為滹沱也古之滹沱

首受滹沱河於古之樂成今之獻縣正流自西而東別

河恩弓高樂成自古而北然後歷今河之北獻縣北河

問南任邱保定文安大城南青縣

靜海北而入海此古滹沱之流也

弓高城今阜注云滹沱別河首受滹沱即樂成之滹東至

平舒今靜海入海今在靜海南北

成平今交河縣注云滹沱河滹沱別民曰徒駭河滹沱別河

故有此偶也

按古今注後漢永平十年作常山滹沱河蒲吾今平山

渠通漕船是滹沱在靈壽正定界也班志上艾注云縣蔓水東至蒲

吾山入滹沱

縣蔓水下流即太

○水經注云

淇水

清河

又北逕浮陽縣

滄州

故城西又東北滹沱別瀆注焉謂之

合口又云清河又東北至泉州縣天津縣北入滹沱水

又濁漳水注云衡水右逕下博衡水縣故城西光武自

滹沱南出至此失道又云衡漳過阜城縣北又東北至

昌亭與滹沱河會出樂城獻縣陵縣北者乃滹沱別水

分滹沱故瀆之所纏絡也

按滹沱漳淇合處曰合口

易水注云東至

文安縣

縣今

與滹沱合巨馬注云巨馬水於平舒靜海縣

城北南入於滹沱同歸於海也○後漢志安平國信都

有滹沱河饒陽有無雙亭

兩漢魏晉隋五代志俱無臨沮縣而水經沮水云東南

過臨潁縣此如隨美人董氏之碑云汴州恤宜縣隋志亦無之同一可疑也

汝水又東南逕新蔡縣故城南左會纔水水上承汝水別流奇額城東鐸按此言有誤注言左會則水在汝北矣奇額城在汝之南也○潁水注云水首受潁水川渠雙引俱東注有洧與之過沙按有字當作於過字當作注蓋潁之枝津入洧洧入潁潁至百尺溝與沙合也○潁水經過潁陰縣西南臨潁縣南而注於合百尺溝及項縣故城北下又言潁水又東逕臨潁城北誤矣○河水經言過在平西注誤言過在平城東上文自言在平縣大河在其西云云何自相矛盾

揚州入海河在興化者止白駒小海諸場東行一路而射陽神臺俱在境外故議開何垛之車兒埠白駒之牛灣河俱無當也必開射陽爲上否則石達天妃二口由興化岡門十八里至鹽城東下石達自登瀛場繞而西則下天妃口俱入新洋港歸海有石閘○興化鄒莊至界河界河至岡門最捷射陽神臺要口也石達天妃亦捷徑餘皆非也○邵伯以東地高昭關壩以北高寶諸湖入運邵伯以上從高郵車邏南關五里各壩分注下河入海其南下從金灣壁虎橋灣頭閘各路分注由芒稻河人字河入江高寶東隄閘壩十四處張鵬翮將五里車邏南關三減水壩改爲石滾壩非大有餘不令過

洩但三壩各寬六十餘丈洩水過多○同治五年七月初旬淮水漲破高郵車邏壩及北關決口二百餘丈東灌興化鹽城

直隸之水滾水漢志至文安入河今至新安入西淀涑水至容城入河今至雄縣入西淀卽拒馬河滹沱河東至參戶入虜沱則又曰從河東至文安入海今至天津入直沽溫餘水東至路南入沽今至通州北入白河沽水出塞外東至白水州入海今同據漢志也

海河中受者淀河○卽東淀在天津縣北五里永定子牙清河之會流也自河頭至丁字沽入北運河長四十里其西之上流曰東淀

河北

左受者永定河○卽蘆溝河渾河桑乾河出太

原之天池伏流至朔州馬邑雷山之陽有金龍池者溢
出名桑乾東下大同古定橋抵宣府保安雁門雲中應
州諸水皆會穿西山入宛平東南至看丹口分爲二其
一東由通州高麗莊入白河其一南至霸州合易水至
天津丁字沽入漕河○此河過懷來東兩山開不得肆
至都城西四十里石徑山東始沖激震蕩元史名曰小
黃河金大定二十九年立廣利橋卽蘆溝橋俗曰黑水河無
定河康熙三十七年自蘆溝至永清之朱家莊匯狼城
河注西沽達海浚治二百餘里廣十五丈賜名永定然
流太濁淤而南淤信安勝芳等甸而北又淤策城新張

諸處皆爲平陸駸駸及臺頭與子牙河會矣雍正三年
命別由一道入河毋使人淀恐渾流入停水淤淀也
怡親賢王遵旨於郭家務改河東行復開下流之長
甸河引達三角淀而注之河頭與清河會周築三角淀
圍隄以防其北軼然近則長甸河三角淀又淤而散漫
南行頭河二道河皆成斷港剩有楊家一河若再淤而
南則清水無路歸津而側注於楊柳青一帶濁流復從
而迸之必穿運而過矣必也疏開長甸注之河頭南岸
築隄至楊家河而止幸其流善淤而肥若令上流懷來
保安石徑山一帶引灌之法通行則分水旣多奔自高
而變瘠爲肥其利溥矣

淀河之經流曰清河其派有三曰西派自會同河之三
汊口經臺山而北出紀家淀而東入勝芳淀者也東派
由趙家房經托蓮泊出郭家窪會勝芳河者南派由下
馬頭經崔家房入張家嘴過任家莊逕左家莊泊歸石
溝河者○又有支派沿大隄而東經西馬頭堂頭左家
莊會石溝河○二派歸勝芳二派歸石溝又總歸臺頭
河經楊冀港出楊家河楊家河至三汊口一百四十里自永定入淀而
勝芳河淤故東西二派無下口張家口淤而南派亦無
正流唯沿隄一支寬二三丈深五六尺不足容水雍正
三年自崔家房東決者九處怡親賢王浚東西二深下
口及張家嘴又浚中亭四十餘重自口頭對岸之下河

門分引玉帶河入臺山河其下流石溝臺頭亦浚深

東淀所受西淀之水有二一曰會同河○卽玉帶河之

下流也自西淀之茅兒灣至霸州而拒馬桑乾胡良霸

水皆會焉自保定流入又東北曲折行可十里爲善來

營北岸有洋河口又東一百五里爲范家口又東五里

爲蘇家橋分爲三汊河口卽所謂玉帶河至霸州會渾

河東下分二支經文安入石城等淀而正由州東無梁

閤名邊家河又分一支入永清名信安河其正支入文爾淀逕東

安爲呂公河者也今河寬十五六丈至二十丈不等總

會順天保定正定三府西山一帶三十餘河之水故決

何家道口決鹿疇決下武保定雍正五年新開之牯牛

河自西栳栳圈會入復淤河身唯餘臺頭一派爲正流亦漸形淤淺日甚而下流信安河已成平陸卽勝芳辛張逕褚沽東沽二港達王慶之一支名呂公河亦無河形矣則上而石溝下至楊家河俱宜浚也○後周太祖顯德元年河自楊劉至於博州百二十里連年東潰分爲二派匯爲大澤彌漫數百里又東北堵古隄而出灌高棣溜諸州至於海涯遣李穀詣澶鄆齊按塞隄防三十日而畢

一曰中亭河○會同河之北此所謂栳栳圈一河南北相望者也

二河之上流爲西淀○跨雄新數邑之境西北諸山之

水會焉趙北口居淀之中有石橋八座雍正易以木升高加闊又增三橋然淀本平水入以渾流最易淤墊唯不使渾流入之可矣

所受之水正北曰白溝河○拒馬之下流也自雄縣來拒馬出廣昌之涑山至房山鐵鎖崖分二派一東入涿州過新城而南挾河琉璃河廣陽鹽溝諸水白玉糖西域寺甘池諸泉皆入之一南入涑水經定興而東易州之濡水武水白楊虎眼梁村馬跑諸泉及迺欄河女思澗子莊溪諸水皆會之二派合爲白溝河入柴伙淀查白溝濁水最易淤淀其白溝本由龍灣而東逕道務馬務頭洪城出張青口河形宛然行於淀外也○白溝至

藥王行宮前河形拘折土人曰鵝鶉必當挑去

西自安州來者依城河○徐河出五回嶺經滿城安肅

而曹水入焉一畝泉出滿城東南餘小泉以百數雞距

紅花名最著經清苑南至糧河橋而方順水

卽曲逆河祁水之下

也澗會之五雲石白二泉流爲放水河五郎河入焉逕石

橋村至糧河橋與一畝泉河合逕新橋而滿城之龍泉

河自南來入之至善馬廟與徐河合爲依城河入雜淀

西北自安肅來者曰雹河○出石獸岡灌河入之由新

安之黑龍口入雜淀按新安除城北外三面皆水爲容

城下流大段淀一帶皆壑也雍正三年於三臺村開引

雹河逕小王營尚村北至南河頭入燒車淀

南自高陽來者豬龍河河本唐河○卽滹水出山西靈邱入唐縣爲唐河橫水自西北來會居民引以溉稻直達下素經曲陽之鎮里高門所溉尤多南入定州而白龍泉會之王謙王耨等村傍河皆圩岸也

沙河○卽派水出繁峙入曲陽合平陽河南流阜平之當城胭脂二河行唐之唐河皆會之經新樂厯定州沿流一帶多滋灌漑

滋河○出枚回山經靈壽爲慈水七祖寨岔頭大明川壅流可田入行唐之張茂村伏流至無極南孟社復出遶縣北經深澤之龍泉固沃仁橋疏流成渠

三水會於祁州之三岔口者也逕博野蠡高陽而入白

洋淀○水性悍疾雍正三年決柴淀口潰蠓螂口冲鄭州驛路怡親賢王治之於出岸村開引河十里至孟仲峰出口然後安流

淀河右

也南

受者子牙河○其上流之西有百泉牛尾野

澧沙沼劉累泊卽張家泊又卽廣阿津大陸津大陸泊在任縣北爲穆家口河洩入北泊東爲雞爪張滋等五溝洩入滏河其北所人之北泊卽甯晉泊一名胡盧河在甯晉東南自隆平流入又東北入冀州洩河沿河沙河沛河槐河午河李陽河七里河滏陽河入焉自滹沱南徙由賈口而入淤滏河故道三十餘里遂決洩口營上等村雍正三年滹沱東徙不復入泊四年自黃兒營

至營上村挖深水始通暢北泊合滏陽等河同爲一河
至衡水焦岡北與滹沱合經冀州武強獻縣河間青縣
大城入淀名子牙河其支流自完固口經杜林鎮抵青
縣之鮑家嘴入南運河近已淤淺其滹沱河者出繁峙
太戲山經太原孟北入平山北靈壽南入正定後與冶
河合其勢遂猛成化八年由正定晉州紫城口入甯晉
泊後又分爲二一爲支流東出束鹿鴉兒河入深州今
恐其淤甯晉泊改由木邱南至焦岡出甯晉泊之下合
滏河爲子牙河亦名鹽河自河間入大城經白洋渡四
呈口匯黑龍港曰交河北折繞縣東北子牙村始曰子
牙河分二支一西北入文安石城淀一北流又分三支

西一支入文安黑母淀東一支入大小窩口中一支入霸州文泉淀匯於武清三角淀入白河按其流湍悍水經所云右出爲淀北爲濊口是也蓋子牙一河總二泊滏滹沱諸水故如是耳

滏陽河卽滏水出磁州神廟山東北經邯鄲東三里會堵沁二水經永年曲周平鄉至穆家口會百泉等河北流永樂中漳河決而與合故多爲患後漳東徙經魏元館入衛滏水獨貫甯晉泊始安元郭守敬言磁州滏漳合流宜引水由滏邯洺永雜合入灋河可灌田三千餘頃

平定順德廣平之有南北二泊順天保定河閒有東西

二淀西淀分三汊入東淀南泊之水注北泊北泊合滏陽滹沱爲子牙河入東淀孫文定言永定子牙向皆無隄故泥淤田閒而不入淀惟漫水耳不與水爭地可也永定有隄而勝芳三角等淀皆淤子牙有隄而臺頭等淀亦淤

此外鳳河

通州武清

窩頭鮑邱河

香沙寶坻

牯牛河

良鄉固霸

東淀達天津者曰淀河一名大清河今永定入沙家淀在葉淀之西由葉淀以入淀河歸海孫文定所謂引入西沽之北另行入海者未嘗行也孫文定言永定下流由郭家樓魚壩等口入葉淀葉淀乃東淀之別匯淤之不害然必導於葉淀東使入西沽之北別行入海爲上

永定河原無隄工水發漫溢深者尺許淺者數寸及其到淀淤已停積止餘清流不至淤淀而水過沙留夏麥倍收所謂一水一麥地也自懷來石景山之東築隄以來其始河深水尚行隄中而淤勝芳淀其後河身日高高地丈許隄高二丈許隄無堅土皆沙所築風雨水皆能冲散故又年年潰決而淤淀清流爲害甚大今治之不能毀隄不如不與水爭地築遙隄北以南苑南南以淀北爲界寬則其勢分流緩借以淤地亦可倍收夏麥纓隄壞者不修水發不過二三日又多建減水壩以分其力陳文恭孫文定皆持此論又滹沱漳水皆不宜有隄亦同此理大約北直濁流非若黃河不須隄功惟不

可以濁流入淀而已○北直水利在多分淀河入海之口挑淀之淤導子牙永定另行入海不淤淀而旁多建草壩以分其勢浚南北二泊東西二淀及南北運河塌海七里二淀而已○桑乾自于成龍改南流之故道折而東行自柳岔口注之東淀於是淤高橋淀而信安堂二鋪成平陸淤勝芳淀而辛策城成平陸淀水與運河僅限一隄至楊柳青以下則淀運相連雍正四年特命引渾河別由一道入海毋使淤淀乃於郭家務以下開新河然下口仍入淀故又淤王慶坨三角淀且將淤及楊家河矣

五堰去溧陽八十里自廣通壩東十五里曰新壩因廣

通壩鑿河故從東復築此亦以堰水自此而東九里第

一曰昇平堰又南九里曰三塔湖堰又東九里曰南度

堰又南九里曰沙漲壩又東九里曰前麻壩曰五堰壩皆

當作在廣通壩下流半受廣德建平高淳之水其溧水

溧陽丹陽句容之水又在五堰之北○按幸有五堰故

湖水不通太湖而賊船不犯蘇常亦幸不通太平岡即

脂岡而達秦淮不然賊匪出入更難防矣咸豐元年議開

金陵城北古直瀆河以達江說者謂果如此賊船此指洋船

且直指北門聞者懼而中止予始惑之謂言者之過今

罹賊害而遠水者卒免始知水道竟以少通爲妙

運舟歷河凡五百餘里隆慶間翁大立始有開泖河之

議萬厯三年傅希摯亦言二十年舒應龍於韓家莊引湖水注之泲二十六年劉東星開侯家灣梁城通泲口遂可行舟三十一年李化龍浚成泲河於是運艘通行昔偁過洪今偁過淮爲出險矣然由清河桃源宿遷從堇溝口入駱馬湖而抵泲河尚有一百八十里之黃河險阻也天啟六年李從心自馬頰口至陳瑤溝另挑一河六十七里以避宿遷淺劉口磨兒莊等處崇禎八年泲河淤阻劉榮嗣自宿遷至徐州別開新河二百餘里明年駱馬湖之淤適平仍專行泲河然駱馬閒淤則此河亦可行舟其功不可沒也夫萬厯時運猶出古洪口留城百餘年中運口十改迨東移至皂河口雖呂梁洪

亦避去矣然倒灌猶不免也康熙二十年閉皂河口順
流而東十五里出張莊運口遂免倒灌然運舟猶經黃
河二百八十餘里靳公又於九里河一帶開運料小河
引汶沂之水直達清河上流從仲家莊入河北河之口
愈趨愈下愈免倒灌而運舟經河不二十里矣

中河上接張莊運口并駱馬湖之清水下歷桃清山安
入平旺河以達海而於清口對岸仲家莊建大石閘洩
山左諸山之水至二十七年正月工竣運舟由仲家閘
進中河入皂河歷黃河者方七里耳其功偉哉中河北
岸不可建減水壩蓋中河水患其弱也若再於中河北
開一河築重隄於西甯錫成兩橋之間以建閘分洩異

張併出平旺歸海若於清河治東陶家莊建一閘重運
由陶莊入回空由仲莊出則佳矣

聞包丈愼伯言大溜頭作壩合龍須先於壩外作月壩
以河流橫行左右哭月壩殺其性然後頂溜能合龍也
道光二十年莫愁湖水陳君子晉築隄護其里而水衝
處不能合龍有老圃周士龍教之作竹節對壩三四處
而龍遂合蓋以壩漸殺其性故頂溜能合龍也陳君一
日告予言凡水過橋則橋西水高於橋東此亦對壩殺
水之一驗也戊申大水包丈言於西城外築壩可護一
城於壩上留車道十部以出染坊穢水疏青溪潮溝舊
渠以引新水則城內無憂無水惜二三君子窮而在下

遂使一城之中水淹其八也哀哉

元虞集欲於京東濱海地北起遼海南濱青徐築塘捍

水招徠南人給其牛種緩其征科至正閒丞相脫克脫

行於河閒保定密雲順義

西自檀順東至遷民鎮

明徐貞明

孺東

貴溪人

隆慶五年進士

建言順天正定河閒水利郭尚書朝賓

以爲勞民罷之及被謫至潞河著潞水客談言水利十

四則大約主備旱潦儲蓄積西北有一石之入東南省

數石之輸譚綸蘇瓚徐待王敬民俱見而美之疏薦於

朝進尚寶少卿蘇瓚亦言濬河以決水之壅疏渠以殺

淀之勢撤曲防以均民之利時畢尚書鏘亦力贊之乃

先詣永平墾田至三萬九千餘畝而閭人勲戚佔閒田

沮之王之棟又力言不便者十二帝惑之遂罷萬厯三十年事也漢武有搜粟都尉明帝立宜禾都尉三國時有典農中郎將古之鄉遂大夫也○開溝洫以行水築隄岸以障水爲梯田以受水濬陂池以豬水置桔槔以導水立牐壩以放水疏河源以來水浚下流以放水去葑菱以利水插柳條以柔水挑淤塞以通水○漢張堪爲漁陽太守開狐奴昌平稻田八千頃北齊裴延儁爲幽州刺史溉督亢涿州百餘萬畝宋何承矩爲河北制置使興雄霸鄭州堰六百里灌田初年無功次年大熟承矩輦稻入都示朝臣謗者乃息明汪應蛟爲天津巡撫開水田二千畝收四五石惟旱稻以鰲立槁按物

之宜古人所重北方稻田不便者雨少栽種過時則秧老一也沙土不能蓄水卽深極而雨後沙亦淤之無水養稻二也人不願食稻不願學強學之亦不精三也稻工作多北人惰鹵莽而耕故宜雜穀四也南人往作心先猜疑無工作時又無存泥五也水草不便難以畜牛購自南方而不善飼養亦易倒斃一牛偶斃家人怨咨六也水田農具北方所無木鐵皆來自南方匠作不熟修理亦難七也渾河障濘沱遷徙靡常非如南方川澤不改八也又此數水皆濁水不可引以灌田恐掣動大溜下塞上決清水甚少九也鰾斥之地插秧立槁十也沙土虛鬆風多則沙土飛流秧上壅蓋不能生育十一

也偶然薄收而遽罷南漕以派北民忽完千數百年所無之賦必不願納恐致多事十二也南漕旣罷設有不收又何以轉致南漕運河數年不行必然淤廢旗丁水手必然散遣一旦徵之費恐不貲十三也旗丁散在各府罷之必有資遣此等不肖之人必聚爲盜匪十四也散旗丁罷漕船廢運河猶易耳一旦欲緩急復用恐難猝辦十五也惟貞明所謂旱潦有備一不專待哺於東南二惟省東南轉輸之說不可行耳三分河以殺水患四溝洫可限戎馬五農不輕去其鄉六招南人以田則田均民亦均七南省賦北省徭八諸鎮不煩轉輸九農與兵合十省招募十一宗室可田十二養民之政舉可

法井田十三教可興十四

悔翁筆記五終

後學江蘇陳作霖校字
受業上元田會

悔翁筆記六

江甯汪士鐸

宋節度見於地理志者一百其以鎮名者如鎮海青鎮

安陳鎮南洪鎮東越鎮國後曰鎮潼華鎮甯鎮洮後

曰武勝熙鎮江潤以國名者定國同護國河中奉國湖

甯國宣以江名者如定江江平江吳甯江夔靜江桂以

海名者如清海廣靖海瓊陸海汝瀛海河間平海泉甯

海杭橫海滄以慶名者如保慶拱州卽縣德慶舒昭慶湖

崇慶崇慶集慶毫寶慶寶慶肇慶一作興慶端慶源趙

慶陽慶陽以武名者如武康洋武泰黔武甯徐武勝鄧

武當均武成滑武信遂武安潭武昌鄂忠武許雄武秦

彭武威武

福

定武

定

甯武

利

建武

邕

以南名者如劍南

益荆南

江陵

山南

東襄陽西興元

淮南

揚

以東名者如河東

原東川

潼川

以康名者如建康

昇

淮康

蔡

靖康

府

保康

房

以遠名者如安遠

安甯

遠

容

清遠

融

慶遠

慶遠

以德

名者如興德

濟南

成德

鎮

彰德

相

感德本名感義

耀

常

德

常德

安德

閬

以化名者如昭化

金

彰化

涇

以信名者

如彰信

曹

保信

廬

昭信

鞏

崇信

隨

以保名者如保大

鄜

保靜

宿

保甯

婺

以甯名者如泰甯

兗

興甯

甯

建甯

建甯

奉甯

鄭

以永名者如永清

恩

永興

西

安

以陽名者如河

陽

孟

岳陽

岳

以平名者如平川

潯

平涼

渭

天平

鄭

更有

順昌

頴

昭義

上黨

建雄

平陽

隴西

西甯

遂安

嚴

鳳翔

鳳

翔光山光嘉興秀忠正壽靜難邪應道溫共節度一百

鎮復有天雄大名後為北京安國邢係後唐之節度未

知宋時有否范陽幽大同雲中皆後收復此外如歸德

未宣德湖天德豐彰國應振武朔安化密昌化儋保順

兆建安眞益州蜀靜安潼定南高臨海台河西涼歸義

沙威城武定天印宋地志皆不載仍有康國安

靜靜海密靜鄭昭武保泰保都甯遠

威德俱詳見宋職官志

團練則北海淮上碭單濮陽濮淮安唐河池鳳和政岷

定襄忻蒲陰祁遼陽磁信都冀太甯隰吉鄉慈洮州洮

山陽楚東海海海陵泰鍾離濠南充順慶十八也

防禦則安化密瑯琊沂東牟登東萊萊濟陽濟富水郢

博平博樂安妹文安莫易陽雄永清霸河內懷汲衛廣

平洛饒陽深雄絳絳雁門代解州解汧陽隴蘄春蘄歷

陽和景復復通義眉此外譙郡毫符離宿二郡防禦後

升節度不計外其防禦二十三也

宋太平興國四年平太原得隆州隆字或為絳或為隰

宜考宜為隰也按劉崇仍有麟蔚二州隆州在嵐州西

北隰縣東南三十里晉漢間置不誤

孟子禹疏九河正義云漢有一縣分隸兩郡者定陵在

汝南潁川之間故兩隸余按不僅此也安邱則北海瑯

琊瑯琊安邱注云侯國莽曰甯鄉北定陵則潁川注云

海安邱注云莽曰誅郅今渠瑯琊是

不葬葬曰定城汝南注云高陵山汝水出東南至新蔡入淮海曲則東海

即下汝南郡者瑯琊注云有新市則中山注云應劭曰鮮虞子國巨鹿

東海亭成鄉則高密葬曰北海侯國莽開陽則東海

注云侯國臨淮注無蘭陵則東海注莽曰臨淮注侯國莽

續志可證

北史魏主燾破蠕蠕列置降人于漠南東至濡源西暨

五原陰山竟三千里分爲六鎮太和八年高闡請于六

鎮北築長城今詳記於左按此孝文時改易者耳非世祖之舊也

懷朔地形志朔州本漢五原郡延和二年置爲鎮領太

安廣甯神武太平附化五郡十三縣方輿紀要今榆林

故豐州也杜佑云在朔州北三百餘里太和十八年如

懷朔鎮

武川在大同府北孝文帝太和十八年如武川鎮正光五年沃野鎮民破六韓拔陵反其黨圍武川鎮遂攻懷朔鎮孝昌元年阿那瓌討拔陵自武川西破沃野

柔元大同東北塞外于延水東與上如接境在漢且如縣西北塞外太和十八年東至柔元鎮○宋元徽元年柔然侵魏柔元鎮

撫冥在武川柔元間柔元西也太和十八年如撫冥鎮禦夷在保安右衛西北濡源之地正光三年遣元孚諭阿那瓌于柔元禦夷二鎮魏初拓跋祿官分國爲三人居上谷之北濡源之西自統之是也

懷荒地形志蔚州永安中爲懷荒禦夷二鎮領始昌忠義附恩三郡七縣○在大同東北塞外柔元之東禦夷之西魏收云魏降高車時所立

此外有爲薄骨律鎮

靈州太延二年立

又有沃野鎮不在六鎮

之內然世祖時有此鎮世祖六鎮東西三千餘里西起薄骨律東盡禦夷非若孝文之狹也考水經河水篇及元和志通典等知以薄骨律沃野爲二鎮又考孝文紀太和十八年詔六鎮及禦夷城人是禦夷在六鎮之外酈範傳北史明帝以沃野懷朔薄骨律武川撫冥柔元懷荒禦夷諸鎮並改爲州亦八鎮而非六鎮○又水經河水又北逕薄骨律鎮城又北逕朔方郡宏靜鎮典農城

東○水經自西而東先薄骨律次宏靜次懷朔鎮臨沃縣光祿城之東北也次武川鎮雲中城北澤水篇柔元鎮無鄉城北沽河篇沽河出禦夷鎮西北

東漢輿服志六國年表魏惠王二年敗韓于馬陵魏世家惠王二年同此一事也六國年表齊威王二十七年秦孝王六年魏惠王十八年齊敗魏于桂陵徐廣云在元城東南一里趙世家齊敗魏桂陵正義云括地志故桂城在曹州乘氏縣東北二十一里故老云此卽桂陵也田敬仲世家同注亦同孫吳列傳亦同此二事也六國年表齊宣王二年秦威公二十八年魏惠王三十年齊敗魏馬陵殺龐涓魏世家同孫吳列傳同秦本紀孝

公二十一年魏敗于馬陵注濮州甄城縣東北六十餘里澗谷深峻可以置伏按龐涓敗卽此也此虞喜志林之言按魏世家正義則敗龐涓必在甄城之馬陵無緣渡河至元城之桂陵也括地志之桂城要屬故老之附會其地乃近馬陵非桂陵也韓世家注亦誤以桂陵爲馬陵由不知二地異處也此三事也

經義述聞大戴禮中云顓頊娶於滕氏滕氏奔之子謂之女祿王氏云當作娶於滕奔氏滕奔氏之子云上脫奔字下奔字誤倒按王氏說非言顓頊娶於滕氏滕氏之姪婦奔則爲妾者生子曰女祿猶左氏其姊戴嬀生桓公之意耳

算掃之法向用一三五七九遞加雖便不捷今定如高一尺至五尺高一丈一尺至二丈者用高以高自乘以一八之數乘之便得爲高丈尺至高一丈者其長有一丈二丈三丈之別須以高乘長再以高自乘然後以一八乘之每里一百八十丈每丈用土六十方隄底濶七丈面濶三丈高一丈二尺每丈用土六十方自白洋河至雲梯關三百三十里清河至雲梯關二百里共長九萬五千四百丈用土五百七十二萬四千方

文獻通考宋設祠祿以佚老優賢雖及挂冠皆處以宮觀假以祿爾熙甯時患疲老不任事而廢職者王安石行新法於異議者皆處以宮觀然皆俟力請而後授若

非自陳而特差者則如降黜熙甯六年杭州洞霄宮亳州明道宮太清宮華州雲台觀建州武夷觀台州崇道觀永康軍丈人觀成都玉局觀建昌軍仙都觀江州太平觀洪州玉隆觀五岳廟大原興安王廟並依嵩山崇福宮舒州太極宮靈仙觀置管幹或提舉提點官其奉給則兩省卿監及職司資序人曰都監爲提舉視小郡知州餘官知州資序人爲管勾視小郡通判武臣倣此各處留官一員餘聽從便居住年六十以上者乃得爲之亦不得兩任如洞霄宮有七人之類見坡集其高卑則中太乙宮醴泉觀使集禧觀使萬壽宮佑神觀神霄玉清等宮各處皆近百人或以處宰執之請乞者却掃

編云在外州府宮觀舊惟西京崇福南京鴻慶鳳翔上清太平宮兖州仙源縣景靈觀有提舉管勾官爾熙甯二年始并置之此近時書院之類也如院長亦授之自朝則尊若元之山長矣

宋時宮觀有使有提舉有提點有監有主管判官都監使始于眞宗大中祥符元年王旦之爲玉清昭應宮使提舉始于仁宗康定元年李若水提點與監主管皆始于徽宗大抵兩府三司執政爲使侍從爲提舉庶官爲提點又其下爲監革職者爲主管尊卑判然也自仁宗天聖七年玉清昭應宮災不復建乃以天聖六年所造之太乙宮祀上帝於是東京西京又有太一宮遂曰中

太一宮東太一宮西太一宮而中太一宮最尊其使皆
宰臣之罷政者領之且有不敢領者如范鎮提舉中太
一宮固辭改提舉崇福宮而提舉崇福宮者遷正議大
夫除侍讀提舉中太一宮是中太一宮之下卽崇福宮
也今畧敘其次若在京者中太一宮崇福宮景靈宮大
祥符九年作集禧觀崇禧觀會靈觀大中祥符九年作醴泉觀佑神
觀沖佑觀上清太平宮洞霄宮萬壽觀崇道觀而玉隆
觀最卑爲給事中降授在南京者則大中祥符七年以
應天府爲南京作鴻慶宮及太極觀太平觀在亳州者
太清宮最尊此外則東太一宮西太一宮靈仙觀婺州
之明道宮成都之玉局觀皆以侍從提舉他如中岳南

岳等廟則有監其未見提舉等官者則大中祥符二年
詔天下立天慶觀七年作元符觀九年兗州之景福宮
太極觀天禧二年之祥源觀哲宗元佑六年之上清儲
祥宮徽宗卽位之初之景靈西宮崇甯四年之帝鼐宮
大角鼎星祠政和七年所收天下天甯觀爲神霄玉清
萬壽宮寶籙宮宣和元年之神霄宮六年之陳橋顯烈
宮 文獻通考雖年及挂冠皆以宮觀處之假以祿耳
熙寧中王安石以處異議及疲老不任事者然必力請
始得朱竹垞集六十 在京曰內祠以前宰執及見任使
相充使始于李若水 次提舉次提點主管判官都監杭州洞
霄宮南渡後爲內祠北宋則玉清昭應宮景靈宮會靈

觀諸使趙安仁王旦丁謂寇準馮拯王欽若李通皆嘗
爲之宋史志一百二祠祿以佚老優賢在京以宰相執
政充使丞郎學士充副使兩省或五品以上爲判官內
侍官諸司使副爲都監又有提舉提點主管患疲老不
任事者廢職使任宮觀以食其祿也毋限員數以三十
月爲一任卿監以上提舉餘官管勾○東坡詩卷十監
洞霄宮者同時七人不拘員數也

附記周蓮池學師令祖詩經注○睢鳩卽魚鷹一曰黃
鴨死央之一種也大者曰王雉○荇今浮荇葉如小荷
莖上青下白食其下白及根○牲煮於鼎牲熟升於俎
其清汁復煮于金和以菜曰芼○羊用苦豕用薇魚用

蘋藻荐于廟牛用藿○黃鳥卽黃鸝黃鸝倉庚鷺黃楚
雀○王后織元紬公侯夫人紘紵卿之內子大帶大夫
命婦成祭服士妻朝服庶士以下各衣其夫○先明衣
中衣夏葛冬裘裼衣緇衣也禮衣朝服○芣苢馬舄牛
舌車前○五尺以上曰駒六尺以上曰馬○占鵲巢之
鳩乃雛鵲卽八哥也○小萍藻也魚食之不爲人茹中
萍苢可爲菹大萍芡也○亦爲菹苢芡皆用莖○魚在
俎芼在鉶太羹在登殽在豆果在籩飯在簋○緇帛庶
人禮士大夫元纁諸侯加大璋天子加執璧凡帛長四
丈兩端卷之卷約二丈台之爲一兩今曰一匹銳曰牙
牡也相值者曰齒牝也一曰上牙下齒鼠無上齒故無

牙○五皮爲一裘故英處有五○媿八歲備數十五從
嫡二十從事君子○唐棣夫移白楊○葑今大頭菜菲
今土瓜葑非芥非蕪菁○茶今苦蕒菜此誰謂茶苦之
茶采茶薪樗與堇茶如飴皆同此一茶也有女如茶茅
白花也二茶也予手捋茶荏苒也卽葦茗今蘆花又曰
茗茅三茶也以嫫茶蓼辛草也此卽如茶之茶但如茶
以花言以嫫主草言此四茶實三茶也○鞞甲吏鼓吏
也胞肉吏庖人也翟樂吏舞人也閭門吏寺人也○苓
今木耳○琴用白桐白花無子琴面桐底梓梧桐卽青
桐有子荏桐之子爲油又有剛桐哀桐○鱣黃鱣鮪鱣
魚○葭蘆葦一也莢亂荏荻兼一也○杞有三枸杞小

木實可爲藥一也杞狗骨材木也榎楠杞梓也杞河邊
沈柳生水旁如柳葉粗而白色裡微赤今人以爲車轂
又爲地域之界樹南山有杞狗骨也生無皮色白而理
細堅韌而材利爲器用榎楠杞梓是也此一杞也無折
我樹杞沈柳也二杞也枸杞三杞也兵車左持弓右持
矛中御大將軍左御右勇士大將居中擊鼓○邑居曰
廛市中地曰廛一夫之田曰廛伐檀之廛○編竹若荆曰困
席若簟曰簟條今曰窩折○碩鼠五技鼠○有刺曰樞
無刺曰榆○栲柞刺別種○明衣中衣夏葛冬裘裼衣朝祭
服朝服中衣用布諸侯乃有水褌褌者中衣有領領用
繡領上有緣用朱也蓋朝服用弁服麻衣也故中衣用

布祭用冕服絲衣故中衣用素所謂孤卿用素素熟絹也○轡在鑣今馬口鈴韓詩云在衡和在軾○八轡聘禮賓覲總乘馬注總八轡牽之良馬六之四馬六轡也五之驂馬五轡四之二馬四轡也○莠芼芼也卽荊葵葵葉與蜀葵同但小耳紫荆亦名芼芼芼蚍蜉同如大蟻之緣木而上此花亦多而緣木也○黃芑蒯也白芑芑也卽白華似茅而滑澤無毛根下五寸中有白粉者柔靱宜漚爲索理細而小剖之如細麻今蘇人手織爲帽如細布若黃芑大而理細止堪爲索耳○野麻曰麻家麻曰苧○萑蒿青白二種白佳○藎蒿卽鹿鳴之萃葉青白色莖似著而輕肥如生香可食又可蒸食○

羅蒿莪也蓼莪是○青蒿林蒿○牡蒿蔚也非莪伊蔚

是○鼓青青者莪○鰓卽烏魚○鰓卽鮎魚○魴卽

鯪魚○鯖即黃頰魚○鯊即能化虎化鹿者○栲臭椿

○觀檀觀音柳○享于廟燕于朝飲于室享有醴醴荐爵盈

不飲兒設不倚酒清人渴肉乾人飢不得飲食用太牢

牲俎豆公當享燕有折俎卿當燕○五色一色六變凡州詩

三十維物按詩言黃皇駟白馬駘駘騶魚黑驥驪

騊駼騄駼騕褭騶驎騷騫騞騟騠騡騢騣騤騦騧騨騩騪騫騬騭騮騯騰騱騲騳騴騵騶騷騸騹騺騻騽騿
已二十五色所少者青騮

朱紫綠也○蜥蜴壁虎也○四七七長三尺下有葉博

三寸形稍曲故曰掬有黍稷之七牲醴之七疏七此三

七用棘又有喪七用桑若今題矣○根童梁狗尾草○

鷓鴣剖葦今蘆札字○汝甯平輿有摯亭○太昊之後
曰仲虺其後祖己又七世孫曰成徙國于摯○禹之後
莘國妣姓世紀云文王受命四年昆夷伐之一日三至
周之東門文王閉門修德而不與戰

鐸按蓮池名錫元望江舉人其祖某名諸生也有書
未刊故附記其畧

悔翁筆記六終

受業

合肥張士珩校字
江浦翁長森